

ResP PF PL 50329/14

Louis Vestrepain

Les Noutaris

Les & Banquiers

—
Coulouso

1849

ResP PF PL 50329/14


Louis Vestrepain

Les Noutaris

Les & Banquiers

—
Coulouso

1849



Resp P/fpl. B0329/114

LES
NOUTARIS
ET
LES BANQUIÉS
OU LES
BANQUOROUTIÉS FRAUDULOUSES,

ODO SATIRIQUO,

Coumpousado en 1846,

PER **LOUIS VESTREPAIN.**



TOULOUSO,
IMPRIMARIO DE PH. MONTAUBIN,
Pitchouno carriéro Sent-Roumo, 1.

1849.



SE VEND CHEZ L'AUTEUR ,

Rue de la Pomme , 55.

LES

NOUTARIS ET LES BANQUIÉS

OU LES

BANQUOROUTIÉS FRAUDULOUSES,

SATIO.

Aouéy de la troupo inférnalo
M'armi d'un berenous serpen ,
Per que dins ma lengo payralo
Cado mot debenguo escousen
Pes banquoroutiés et lour cliquo !
Ho ! tu couléro diabouliquo ,
Présto-me tas hurpos de fér ,
Per un moumen sios-me fidélo ,
Afin de rampli ma cerbélo
Des fiçous rousens de l'infér.

Quand de banquiés et de noutaris
Apaourissen un flot de gens ,
Julges ! siousquats may necessaris
Punisséts d'escrocs oupulens ;
Més la bengenço enferounido ,
Per les blasi sera moun guido ,

Afin que dins aqueste joun ,
Posquoy a forço de picados
Et de prigoundos moussegados
Esquissa le cor del fripoun !

Quand aquelo raço Caïno ,
Pu trayto que la de Judas ,
Bol fa fourtuno à la sourdino ,
Bous enrambuillo les affas
Et bous plounjo dins la miséro ;
Qu'aboundo apéy bostro couléro ?
La furou serbis pas de res ,
Car le layrou de counfienco
S'amago , en touto assigurenço ,
Darnié le rampart de las les.

Atal se gandis l'home latche
Des trucs d'aques qu'a ruinat ,
Més un ta negre brigandatge
Es piri qu'un assassinat !
Nou serio pas tant à la modo ,
S'estacabon sur uno rodo
Le banqoroutié fraoudulous ,
Per que soun cos biroulejesso
Et qu'en tournejan s'embrinesso
Sur de rousentis pouchugous.

Aoutres cops les que deraoubabon ,
Per les puni de lours accious ,
Sur un souq les escapitabon ,
Ou les brullabon toutis bious !!
Aouéy ! qui pano un heritatge ,
Se rits , dins un mouffle equipatge ,
D'aquel qu'a randut malhurous ,
Et se d'injurios el le fiço ,
Le rude arché de la justico
Le trigosso dins las prisous.

Ho ! tu maoudito banquorouto !
Es may dangerouso ayci-bas
Que le bandit , quand sur la routo
Truco d'ambe soun coutelas !!
Countr'el on pot fa resistenço ,
Més countro tu quino defenço
Pot abe le qu'as attaquat ?
Sans le pillà tu le ruinos ,
Sans le touca tu l'assassinos
Car apéy mort de paouretat !

Aprép qu'agues furets de bourso
An agaffadis de milloums ,
Et mes lours cliants sans ressourço ,
Nou soun pas declarats fripouns !
Les bols qu'an fayt soun excusables ,

He ! se de payres miserables ,
Que tout l'hibér tridouleran ,
Ban prene al bosc quelques brancatges
Per escalfura lours maynatges ,
Soun coundannadis al carcan !!

Aco's tu siècle d'injustiço
Que menos à la perdiciou ,
Car layssos trinfla la maliço
Mayre de la mayssanto acciou :
Per tout la soumbro malfisenço
A destrounat la counfienco ;
L'hounéste home es toutjoun trahit ;
L'aounou se dol dins la poussiéro ;
La fraoudo a plantat sa banniéro ;
Tout an un mot semblo maoudit !

Que d'escroucarios dins la bido !
L'usuro et l'enfidelitat ,
Caduno, aouéy , s'es enritchido
As despens de la brabetat.
Las les pes ritches soun bioulados ,
Pes paoures soun trop applicados ,
La trahisou régno et flouris ,
Et quand on bey crime sur crime ,
Siècle ! n'és qu'un prigound abime
Ount la franquiso s'engloutis !

Demést tant de traytes genios
Durbisséts l'él , travailladous ,
Et s'abéts fayt d'economios
De lours griffos malfisats-bous
De pouu de qualquo malo-fayto !
Malfisats-bous ! le loup bous gayto ,
Et quand bey que le pastourél
S'endrom al soun de la flahuto ,
Found sul troupél , et dins sa tuto
A léou debourat soun agnél.

La tuto es per bous-aous dubérto ,
Car de noutaris loups-garous ,
Tot ou tard farion bostro pértó
Dan lour trafic mysterious.
La banquorouto fraoudulouso !
Es uno pésto desastrouso
Que cour del palays al coufin
En fan le pus affrous rabatge ,
Car semeno sur soun passatge
Et la miséro et le chagrin !

D'aques qu'an passat lour jouenesso
Al serbici de l'oupulen ,
Cantis n'y-a que dins lour bieillesso
Aouéy l'almoyno les atten ;
Quand éron à la flou de l'atge ,

On les besio presta lour gatge
A de millounaris banquiés,
Et per prêts de lour counfienco,
Paoures! finissen l'existenco
Joul teoule des espitaliés!

Grand Dious! que sabéts las pensados
De l'home ingrat que bous trahis,
Quand faséts brounsi las trumados,
Se le trouneyre, qu'espauris,
Abalissio cado coupable,
Troubarion may d'un fourtunable
Qu'aourio perit del foc del cé! ;
Nou berión pas may sur la térra
Ni le pillatge ni la guérro
Cadun cantario l'Eternel!

